



**Judicium Ecclesiasticum Seu Decretalium Gregorij IX.
Pont. Max. Liber II.**

Schmalzgrueber, Franz

Ingolstadii, 1726

§. III. De Actibus, à quibus permissum, vel non permissum est appellare.

[urn:nbn:de:hbz:466:1-74990](#)

acta alijs nec præjudicent, neque profint, prout sumitur ex c. quamvis 25. de sent. & re judic. &c. l. sepe 63. princ. ff. de rejudic. Et confirmatur, quia unius à sententia appellantis condemnatio non obest ceteris litis confortibus c. interrogatum 24. & ibi Gloss. V. profitetur cauf. 2. q. 5. c. significati 5. de adulter. l. denuntiass̄e 17. S. queritur 6. ff. ad Leg. Jul. de adulter. ergo nec pro eodem prolatā iſdem proderit.

Sed retinenda est affirmativa sententia; nam ita apertè decisum habetur c. una 72. b. tit. l. siqu i o. §. fin. ff. cod. l. si Judici 1. & l. seq. C. si unus ex plurib. appell. Ratio est, quia objectum principale sententia Appellationis est sententia lata in prima instantia, de cuius validitate, & Justitia disputatur; non potest autem eadem sententia pro uno esse vera, & pro altero, qui Jure eodem utitur, esse falsa. igitur hoc ipso, si lata est pro uno, prodest etiam ceteris in eadem causa damnatis per sententiam prima instantiae.

Ad Argumentum contrarium illa Juris maxima in casu præsenti quoad emolumentum victoria non procedit, cum rescissâ sententiâ prima instantiae, necesse sit eandem vi omni defitu etiam quod non appellantes. Ad Conf. quod condemnatio in secunda instantia non noceat alijs litis confortibus, statuendi specialis fuit ratio, quia facile contingit, ut unus ex correis metu, vel errore inducatur ad confessionem sibi præjudiciosam, vel testimonijs, aut instrumentis falsis in secunda instantia convincatur: unde si tali casu condemnatio unius pertinet etiam ad ceteros litis confortes, necessaria defensio his facile afferretur.

15 Quæritur 5. quid requiratur ad hoc,

ut sententia pro uno appellante lata proficit etiam alijs non appellantibus? **16**. I. requiritur, ut sint correi, sive in eadem causa per eandem sententiam condemnati; nam de ceteris procedit Regula suprà adducta, quod res inter alios acta in Judicio alijs nec proficit, nec obsit. **2.** ut sententia lata sit pro uno in causa Appellationis; nam si lata sit tantum in prima instantia, ordinariè, & nisi res individua sit, ut in servitibus, sententia pro uno lata alijs non prodest, et si eadem causa sit omnium. Et hoc est discrimen inter sententiam latam in prima, & inter latam in secunda instantia. Pirh n. 13. **3.** ut correi, sive per eandem sententiam condemnati communi omnes utantur Jure; nam si unus contra sententiam juvetur jure speciali e. g. favore ætatis per restitucionem in integrum, nisi res controversa sit incorporalis, & individua, victoria unius non prodest alteri, ut dictum est Libr. 1. Tit. 41. num. 24. **4.** ut sit idem negotium; nam si diversum sit, uno appellante, & vincente, alteri non prodest victoria: & ratio est, quia ob diversitatem causa non possunt cœferi unâ sententiâ condemnati. Abb. in c. 72. b. tit. n. 4. **5.** ut sit eadem defensionis causa: fecus, si sit diversa; nam diversa causa diversas sententias efficit, & sic facit, ut unus non comprehendatur in sententia lata pro altero. Abb. l. cit. **6.** ut alter ex correis, qui non appellavit, sententiam primæ instantiae expresse, vel tacite non approbaverit; nam si ita approbavit, respectu ipsius transfigit in rem judicatam, & sic appellatio alterius ipsi amplius prodest non potest. Abb. num. 4. cit.

§. III.

De Actibus, à quibus permisum, vel non permisum est appellare.

S U M M A R I U M.

16. Regulariter appellari potest in omnibus causis.
17. Et ab omni sententia valida, aut gravamine.
18. Etiam Extrajudiciali de Jure Canonico antiquo.
19. Quod limitatum est novo Tridentini.
20. Appellatio non recipitur à Sententia, quâ quis condemnatus est ad paenam Lege definitam.
21. In causis, & delictis notorijs.
22. A mero Executore.
23. A correctione Superioris secundum SS. Canoness, vel Regulam.
24. A sententijs Cenfurarum propriè dictarum.
25. Ab executione Electionis confirmatae.
26. A sententia lata in Possessorio momentaneo.
27. Ab ea, quâ Judex mandat Testamentum aperiri, vel hæredem scriptum in possessionem mitti.
28. In alijs causis non admittentibus dilationem Sc.
29. 30. 31. 32. Quam vim habeat clausula, Ut Judex procedat Appellatione remota?
33. 34. An, & qualiter appellare liceat à sententia Judicis ex Juramento decisa?
35. An etiam in minoribus causis admitti debet at Appellatio?

16 Quæritur 1. in quibus causis liceat appellare? **2.** regulariter loquendo, saltem de Jure Canonico antiquo, appellari potest in omnibus causis, & ab omni sententia valida, imò à quoconque alio gravamine

illato, vel inferendo, et si Extrajudiciale hoc solum sit: Ita Durand. Specul. tit. de Appellat. §. 2. in princ. Rebuff. tr. de Appellat. prefat. num. 72. Gonzal. ad Reg. 8. Cancell. Annot. ad Gloss. 9. contr. nullit. & attent. n. 25. Valens.

Ienf. hic §. 4. n. 1. Pirkh. n. 31. Wiest. n. 28.
 & aperte constat ex can. liceat 1. Et can. si quis
 4. caus. 2. q. 6. c. cum sit 5. & c. super eo
 12. b. tit. c. cordi 1. eod. in 6. & Clem. 3.
 cit. tit. Ratio est, quia Appellatio, ut
 saepe dictum est, est quedam defensio, quæ
 nemini facile denegari debet.

Dixi 1. in omnibus causis, videlicet
 tam Civilibus, quam Criminalibus, ut stat-
 tuitur can. liceat 20. caus. 2. q. 6. c. cum sit
 cit. §. preterea l. non tantum 6. ff. & l. Et in
 majoribus 20. juncta Gloss. V. negotijs c. sod.
 Ratio autem, quod etiam in criminalibus ad-
 mittenda, immo multo magis sit admittenda
 Appellatio, est, quia in ipsis vertitur majus
 periculum; agitur enim ad publicam poenam,
 & de corpore, ac vita hominis.

Procedit hoc, speciale Jure communi;
 nam quoad Caufas criminales in Imperio
 Romano, ex inveterata consuetudine, per
 Ordin. Camer. p. 2. tit. 28. §. Item nachdem
 5. & Recess. Imper. de Anno 1530. §. Item als
 auch 95. comprobata aliud tener, & Appel-
 lationes in Caufis Capitalibus non admittuntur.
 Gaill. l. 1. obs. 1. n. 28. Mynsing,
 cent. 4. obs. 41. n. 3. Wiest. hic num. 32.
 Schmier Proces. c. 17. num. 59. idque ne
 promeritæ criminum poena eludantur, aut
 nimium differantur. Excipitur, si quis prin-
 cipaliter velit nullitatem Procesus prosequi;
 tunc enim in Camera Imperiali appellatio ei-
 dem permittitur, ut notant cit. DD.

17 Dixi 2. Et ab omni sententia valida;
 nam ab invalida, & notoriè irrita sententia
 frustra appellatur l. si expressim 19. & l. ex
 consensu 23. §. cum Procurator 1. ff. b. tit. l.
 illud 1. Et seqq. ff. qua sentent. fin. appell.
 rescind. l. latam 1. Et seqq. C. quand. provocar.
 non est necess. idque ex duplice ratione: una
 est, quia per talen sententiam latus reme-
 dium ordinarium ad manus habet, videlicet
 querelam nullitatis, quam coram Judge à
 quo proponere potest: altera, quia Appel-
 latio sententiam prius latam suspendit, & ad
 eam rescindendam tendit; quod autem nullum
 est, suspendi, & rescindi non potest.
 Addidi, Notoriè irrita; nam in dubio de nulli-
 tate alternativè peri potest, ut sententia
 declaretur nulla, vel si valida est, corrige-
 tur. Bartol. in l. expressim cit. u. 5. Vallensi,
 hic §. 4. n. 1. Pirkh. 31. Wiest. n. 29.

Dixi 3. Imo à quocunque gravamine:
 ubi distinguendum est inter Appellationem in
 Judicio, & extra Judicium; nam extra Ju-
 dicium appellari potest etiam à gravamine
 futuro, & nondum illato, nec comminato.
 Clem. 3. & ibi Gloss. V. à futuro b. tit. At in
 Judicio appellari solum potest à gravamine
 jam inflito, & à comminatione gravaminis
 inferendi injustè facta per Judicem c. cum
 cessante 60. b. tit. Abb. ibid. n. 5. Pirkh. hic n. 38.

18 Dixi 4. Saltem de Jure Canonico; nam
 de Jure Civili non permititur appellatio à
 sententia interlocutoria l. ante sententie 7. C.

quor. appell. non recip. l. si Clericus 2. C. de
 Episc. aud. l. apertissimi 6. C. de Judic. Ratio
 discrimini inter Jus Canonicum, & Civile
 est, quia de Jure Canonico mitius proce-
 ditur, & in eo instantia non expirat cursu
 temporis; expirat autem triennio de Jure
 Civili: unde saepe continget, si admitte-
 rentur Appellationes à quovis gravamine, ut
 instantia Judicij periret ante sententiam defi-
 nitivam. Accedit, quia Judge interlocu-
 toriam, quam tulit, alias revocare potest,
 & siquid in ea peccatum est, per sequentem
 sententiam definitivam corriger: unde pre-
 sumit Lex tales Appellationes inferponi so-
 lū litis differendæ causā. Excipitur trip-
 lex casus, quo Appellatio à sententia Inter-
 locutoria etiam de Jure Civili admittitur, vi-
 delicet, si vim definitivæ habeat, ita, ut to-
 tum jus alicuius absorbeat l. intra 39. ff. de
 minorib. 2. si talis sit, post quam non spe-
 retur definitiva, v. g. si Judge pronuntiet se
 incompetenter, aut reum absolvat ab ob-
 servatione Judicij. 3. si contineat grava-
 men, quod per definitivam, aut appellatio-
 nem ab ista nequeat reparari, ut si Judge ju-
 beat aliquem incarcari, vel torqueri; Abb.
 in c. super eo 12. b. tit. n. 3. Laym. ibid. n. 1.

Dixi 5. de Jure Canonico antiquo; nam
 novissimo Tridentini sess. 13. c. 1. & sess. 24.
 c. 20. de reform. probentur Appellationes
 ab interlocutoriis recipi per quocunque Su-
 periores, nisi in casibus modò exceptis, ut
 adeo nunc etiam de Jure Canonico quoad
 Interlocutorias observanda sit dispositio Juris
 Civilis. Piasc. Prax. Episc. p. 2. c. 4. art. 151
 num. 3. Zerola Prax. V. Appellatio ad 6. Vall.
 hic §. 4. n. 4. Pirkh. n. 34. Wiest. n. 32.

Dixi 6. regulariter loquendo; nam plu-
 res sunt casus, quibus non defertur Appel-
 lationi. Et hinc

Quæritur 2. in quibus causis non li- 20
 ceat appellare? V. 1. non admittitur Ap-
 pellatio à Sententia, quâ crimen confessus,
 & convictus condemnatur ad poenam Le-
 ge definitam. Sumitur ex c. quia nos 32.
 juncta Gloss. V. in communī capitulo in fin.
 b. tit. l. si qua 244. & ibi Gloss. V. de pena
 solut. 3. ff. de V. S. Gloss. in c. cupientes 16. §.
 quodsi. V. inexpectati de elect. in 6. Gonzal.
 in c. irrefragabili 13. de Offic. Ordin. n. 4.
 Pirkh. hic n. 61. Wiest. n. 33. Ratio est, quia
 à tali pena appellans queri videtur de gra-
 vamine non per iniquitatem Judicis, utpote
 qui in judicando Legum præcepta fecerit
 est, sed tanquam à Legi ipsa sibi illato; Lex
 autem iustè neminem gravat. Dixi ad
 poenam Legi definitam; nam si poena à Legi
 statuta non sit, sed ipse Judge poenam de-
 cernat, & modum excedat, appellari poterit
 arg. c. novit 43. b. tit. Farin. prax. q. 1016
 n. 110. Pirkh. hic n. 61. Item appellari po-
 test à declaratione poenæ Jure latæ. Gloss.
 marg. in l. figura cit. litt. A. Abb. in c. 13. b.
 tit. n. 6. Pirkh. l. cit. quia non Juris, sed ho-

minis, seu Judicis est declarantis, quod quis inciderit in poenam Lege decretam.

2. In causis, aut delictis notorijs; prout sumitur ex c. cum sit s. §. præterea c. per vent 13. c. consuluit 14. b. tit. Ratio est, quia constat reum de crimen notorio condemnatum, si appelleret, tantum appellare poenam differenda causam: quod admitti non debet, cum, ut c. cum speciali 61. §. porro b. tit. dicitur, Appellationis remedium non sit ad defensionem iniquitatis, sed ad praesidium innocentie institutum. Excipitur, nisi in Appellatione exprimatur legitima causa, per quam delictum notorum aliquo modo defendatur, ut si quis aliquem occidit in conspectu populi, sed allegit illum se occidisse ad sui defensionem; tunc enim admitti Appellatio debet, & hac pendente sententiam execuji Judex, qui sententiam tulit, non potest, ut colligitur ex c. cum speciali §. porro cit. Abb. in c. 14. b. tit. n. 4. Farin. prax. q. 101. n. 64. Vallens. hic §. 4. n. 8. Pirk. n. 63. & seq.

3. In causa Executionis, seu a mero executore: ubi tamen distinguendum est, an in exequendo sententiam, formam, & limites mandati, ac commissio nis observet, vel excedat. Si primum, is, contra quem fit executio, appellare non potest c. novit. 43. b. tit. l. ab executori & ff. eod. l. ab executione s. C. quor. appell. non recip. Ratio est, quia si reus tali casu gravatur, gravamen non ab executori, sed a Judge executionem mandante illatum censetur. Igitur adversus hunc potius, quam executorem appellatio fieri deberet, vel si adversus eum fieri non potest, etiam executio per appellationem impediti non poterit, utpote quæ est effectus sententiae. Si secundum, appellari ab illo potest per textum c. quod ad consultationem 15. de sent. & re judic. & notat ibidem Gloss. V. excedatur, Abb. n. 24. Barb. in c. 43. cit. n. 7. & 8. Pirk. hic n. 62. Wiest. n. 39. Ratio est, quia excedendo aliud quid facere videtur, quam quod ei commissum est: ac proinde in eo, in quo excedit, definit esse executor, & sic gravamen injustum infert. Potest autem Executor modum in executione excedere multimode, ut si eam facere velit in re alia, vel in plus, quam est judicatum, vel ante tempus, vel non servato ordine e. g. prius in immobilibus, quam in mobilibus, si partes Judicis sibi vendicet, aut sententiam interpretari velit, quod mero Executori non competit l. si ut proponis 6. c. de execut. rei judic.

23. **4.** In causa correctionis Regularis, vel Ecclesiastica disciplinae causæ: ubi iterum distinguendum est: an Prælatus in correctione procedat ut Judge judicialiter, an ut Pater paternè. Si primum, æquè à correctione, per sententiam dictata, licet appellare, atque ab alijs gravaminibus per sententiam definitivam, vel interlocutoriam illatis. Trid. sess. 18. c. 1. de reform. in fin. Fagn. in c.

ad nostram 3. b. tit. n. 6. Pirk. hic n. 44. Schambog. n. 11. Wiest. n. 35. & novissim Clariss. P. Schmier Process. c. 17. n. 81. Si secundum, interest, an Superior in correctione maneat intra limites à SS. Canonibus, Regula, vel Constitutionibus Ordinis correctioni prescriptis, an verò istos excedat. Primo casu non datur Appellatio c. ad nostram 3. & c. reprobabilis 26. b. tit. c. licet 12. & c. irrefragabili 13. de Offic. Ordin. Trid. sess. 13. c. 1. & sess. 22. c. 1. de reform. Ratio est, quia ab ejusmodi correctione appellans redarguere iniquitatis censetur ipsam Regulam, vel SS. Canones. Accedit, quia correctio, quæ fit secundum Canones, & Regulas, est quædam istorum executio, à qua Appellatio regulariter non datur c. consuluit 29. b. tit. Secundo casu per hujusmodi excessum, si notabilis ille sit, gravato conceditur Appellatio c. irrefragabili, c. ad nostram cit. & c. de Priori 31. b. tit. Ratio est, quia tunc Prælatus, seu Superior potestate sua abutitur, & subditum injuste gravat. Debet tamen eo casu necessario exprimi causa Appellationis, sc. quod Superior corrigendo modum excederit, ut Judici Appellationis de Justitia illius confit, & appareat appellatum esse in casu permisso. Abb. in c. ad nostram cit. n. 9. Pirk. hic n. 45. Wiest. ibid. n. 37.

5. In Causa Censurarum, Excommunicationis, Suspensionis, & Interdicti: ubi tamen videndum, an Censura hujusmodi jam sit lata ante appellationem, vel primum post illam. Si hoc secundum, non obstat appellanti; nam cum talis Excommunicatio nulla sit, nullum habet effectum, nec impedi potest, quo minus is, contra quem hujusmodi sententia lata est, cum alijs Fidelibus communicare etiam in Divinis possit, ut desumitur ex c. ad presentiam 16. b. tit. Neque refert, quod ita censuratus c. cit. referatur absolutus; quia id intelligendum de absolutione ad cautelam, ut ibidem notat Gloss. V. absolv. Laym. n. 2. Gonzal. n. 2. Si primum, appellari quidem ad Superiorum potest, ut hic de Justitia Censura cognoscatur, effectus tamen illius per hujusmodi Appellationem non suspenditur, prout de Interdicto constat ex c. ad hec 37. junct. Gloss. V. interdictum b. tit. de Excommunicatione, & suspensione c. is cui 20. in fin. de sent. Excomm. in 6. Ratio est, quia Excommunicalio, & quævis alia Censura executionem sententie secum trahit, & statim, atque lata est, animam ligat: & hinc Excommunicatus à Fidelium communione, suspensus, & interdictus à Divinis Officijs, ab ingressu Ecclesiæ, & ceteris Spiritualibus statim abstinere debet. Causa hoc statuendi fuit, ut Censura sic magis timeantur, si sciant homines effectum earum per Appellationem non suspendi, vel impediri posse. Debet autem hoc intelligi de Suspensione, & Interdicto non quocunque, sed de Suspensione, & Inter-

terdicto ab Officijs Divinis: hinc si quis solum suspendatur, vel interdicatur à capienda possessione, ab ingressu in civitatem, vel palarium, perceptione fructuum, voce activa, & passiva, & ita suspensus, vel interdictus à tali sententia appellat, effectus ejus per Appellationem suspenditur. Gloss. in c. is cui cit. V. sequentem, Abb. in c. adhac cit. n. 1. Alex. de Nevo ibid. n. 3. Laym. n. 2. Avil. de Cenfur. p. 3. D. 3. dub. 4. concl. 1. Pirk. hic n. 47. Wiest. n. 41. & alij communiter.

25 6. In causa Electionis ad impediendam executionem illius, vel confirmationis istam securae; nam nisi appellans alleget causam valde rationabilem, Appellatio ejus non admittitur, sed electus, ipsa non obstante, investiri, sive in pacificam possessionem mitti debet c. constitutis 46. b. tit. Ratio est, quia contra appellantem presumptio est, quod malitiosè appeller ad differendam duntaxat investitaram. Et confirmatur, quia possessionis traditio habet rationem executionis; ab executione autem si fiat Appellatio, huic deferendum non est, ut dictum est n. 22. Dixi, Nisi appellans alleget causam valde rationabilem; nam hanc si allegat, opponendo v. g. confirmato proprietatis defectum notorum, vel qui in continent probari possit, Appellatio ejusdem deberet admitti c. accedens 23. de accusat. c. super eo 2. de crim. fals. nisi contra excipientem, vel appellantem sit presumptio, quod malitiosè opponat. Gloss. fin. in c. constitutis cit. Alex. de Nevo ibid. n. 44. Abb. n. 15. Pirk. n. 57. Wiest. n. 42. Dixi 2. ad impediendam executionem Electionis, vel Confirmationis; nam si post executionem Electionis, vel Confirmationis factam, & obtentam possessionem, instituere aliquis velit actionem, accusando possessorem de criminis, vel denuntiando illum, audiri debet; quia tunc cessat Praesumptio illa, quod appellans calumniosè obijciat ad impediendam possessionem, vel executionem c. constitutis cit. in fin. & ibi Gloss. fin. Vivian. in Ration. Gonzal. n. 5. Pirk. n. 57. Wiest. n. 42.

26 7. In causa possessionis à sententia ibidem lata: ubi tamen distinguendum est, an lata illa sit in Possessorio ordinario, an vero solum in Momentaneo. Si in ordinario, ubi servato Juris ordine, de partium possessione cognoscitur, & pronuntiatur, appellari potest, habetque Appellatio hac de Jure saltem Canonico, quod praxis hodierna sequitur, effectum tam suspensivum, quam devolutivum c. ex coniectione 10. & c. cum ad sedem 15. de restit. spoliat. Clem. un. de sequent. poss. & fruct. Brunnem. in L. un. c. si de moment. possess. n. 6. Haun. tom. 5. de J. & f. tr. 5. n. 394. Engl. hic n. 39. Pirk. n. 65. Wiest. n. 44. Si in Momentaneo, ubi summarie, solaque facti specie, & verisimilitudine attenta proceditur, Appellatio quoad

neutrū effectum admittitur l. un. cit. quæ Juris Civilis dispositio, quamvis fortè non de Jure Canonico antiquo ob c. cum fit 5. & c. super eo 12. b. tit. ubi appellatio conceditur à quoquaque gravamine, locum tamen habet de Jure Canonico novissimo Tridentini sess. 13. c. 1. & sess. 24. c. 28. de Reform. prohibentis admitti Appellations ab Interlocutorijs Ordinariorum, definitivæ vim non habentibus, ac proinde etiam à decreto Professorij Momentanei. Ratio disparitatis inter Possessoriorum ordinarium, & Momentaneum est, quia per sententiam in priore latam aferuntur, vel auferuntur commoda possessionis, cons. est causa magni prejudicij, nec reparabilis, nisi Petitorio Judicio instituto; contrà quæ lata est in posteriore Judicio, cùm solam rei detentionem det ad interim, non magnum, nec perpetuum assert præjudicium, quippe quod, instituto Possessorio Ordinario, reparari potest.

8. In causa Testamenti à Sententia, quæ **27** Judex mandat, testamentum aperiri, vel jubet hæredem institutum mitti in possessionem bonorum hæreditatis l. fin. ff. de Appellat. recip. l. quisquis 6. c. quor. appell. non recip. partim quia publicè expedit ultimas Voluntas & aperiri, & servari; partim quia parti gravatae sententia parum nocere videtur. Disputant hic DD. an Appellatio his casibus non saltem operetur effectum devolutivum: in quo aliqui cum Brunnem. in l. cit. n. 2. distinguunt, & primo quidem casu, quo appellans vult impidire, ne Testamentum aperiat, volunt etiam hunc impidi; non verò in secundo, cùm appellans vult impidire, ne scriptus hæres in possessionem inducatur; nam hoc casu eidem concedunt effectum devolutivum. Sed melius Fachin. l. 1. contr. c. 76. Hunn. in Treutl. Vol. 3. D. 33. q. 39. P. Wiest. hic n. 45. P. Schmier Proces. c. 17. n. 69. etiam hoc casu utrumque effectum appellationi negant, quod deducunt ex l. quisquis cit. ubi non solum provocans, sed etiam Judex, provocati defens. mulctâ viginti librarum argenti punitur, quæ poena immeritè irrogaretur Judici, si provocatio tali casu operaretur effectum devolutivum.

9. In alijs causis non admittentibus Di **28** lationem, ut cùm pronuntiatur pro alimentis futuris inopia laboranti debitibus, pro stipendijs, salarijs, mercedibus famulorum prestantibus, pro necessaria refectio aggeris &c. nam in his causis Appellatio interposita effectum saltem suspensivum non sortitur l. fin. princ. ff. de appell. recip. l. abstinentiam 4. C. quor. appell. non recip. Brunnem. ibid. à n. 1. Fachin. l. 1. contr. c. 77. P. Engl. hic n. 34. P. Wiest. n. 46. P. Schmier Proces. c. 17. n. 70.

10. In crimine falsa monetæ l. quoniam 1. c. de falsi. monetæ Majestatis l. constitutions 16. ff. b. tit. Hæresis s. ut inquisitionis

18. de hereticis in 6. Raptus l. un. 7. fin. autem in fin. c. de rapt. Virg. nam horum criminum rei, et si ante sententiam appellare possint, non tamen possunt, postquam per sententiam sunt condemnati. Vallen. hic §. 4. n. 9.

11. Non appellat Officiale v. g. Notarius, Nuntius, Executor à suo Judge condemnatus ob male gestum officium l. nulli 3. C. quor. appell. non recip. sicut nec quilibet Officiale, condemnatus in Syndicatu, ad effectum retardandæ executionis. Vall. hic §. 4. n. 11. ut sic Officiales officio suo rite fungantur, & ab omni sorde abstineant, si videant pœnam se appellationis interpositione differre non posse.

12. Non appellatur in causa Decimatum c. tua nobis 26. in fin. de Decim. si sc. Parochianus non possit exemptionem ostendere. 13. A nominatione ad munera auctoritate publica, utilitate privata v. g. ad tutelam l. siquidem 1. §. si quis 1. ff. quand. appelland. secus, si nominatio facta sit auctoritate, & utilitate publica l. observare 2. C. de Decurion. 14. A monitione, & mandato de residendo in Ecclesia, quam quis obtinet c. pervenit 28. b. t. 15. A Delegatis Papæ, vel alterius Principis, aut Magistratus Supremi cum Clausula, Ut Appellatione remota procedant. Verum de hoc ulterius

29. Quæritur 3. qualis Appellatio censeatur esse prohibita, quando supremus Princeps causam delegat cum clausula, Appellatione remota? Videtur solùm prohiberi Appellatio frivola. 1. Ex c. ut debitus 59. b. t. ubi Appellatio conceditur ex quacunque probabili, h. e. justa causa. 2. Ex c. edoceri 21. de rescript. ubi disertè assertur appellari posse ex causa rationabili, licet inhibita sit Appellatio. 3. Ex Ratione; quia Princeps causam ita committens non censetur alicui auferre jus defensionis, quod alias Jure naturali concessum est; est autem appellatio, ut saepe dictum est, species quædam defensionis. ergo &c.

Sed dicendum per hujusmodi clausulam removeri Appellations etiam justas, & rationabiles, nisi specialiter sint expresse, & permisse a Jure. Ita Abb. in c. Pastoralis 53. b. t. n. 2. Joan. Andr. ibid. n. 13. Fagn. n. 26. Perez. C. b. t. n. 22. Haun. tom. 5. tr. 5 n. 407. Pirk. hic n. 68. & seqq. P. Wiest. n. 49. P. Schmier Proces. c. 17. n. 99. & apertè deciditur c. Pastoralis cit. princ. Ratio est, quia clausula hæc, ne reputetur otiosa, debet aliquid operari. At si solam frivilam removet, nihil operaretur; nam huic deferendum non est, etiam si causam committens hujusmodi clausulari non adjungat. Ergo &c.

30. Dixi, Nisi specialiter sint expresse, & permisse a Jure. Tales autem causæ plures inveniuntur. 1. Si Judge nolit recipere exceptionem consanguinitatis, vel alterius justæ causæ, ob quam ipse tanquam suspectus recusari à parte potest c. postremò 36. b. tit.

2. Si non admittat exceptionem citationis factæ ad locum non tutum c. ex parte 47. eod. 3. Si non faciat exprimi res petitæ in Libello c. significantibus 49. 4. Si spoliato deneget restitutionem c. ex conquestione 10. de restit. spoliat. 5. Si gravamen sit notoriæ; quia tunc cessat præsumptio, quæ pro Judge stabat, sc. ipsum processuram sine injusto gravamine. Gloff. in c. 10. cit.

6. Denique in omni casu, in quo Jura simpliciter concedunt appellari posse. Abb. in c. Pastoralis cit. n. 14. & hoc teste communiter DD. Proceditque hoc etiam in ijs casibus, in quibus Jura non addunt, Non obstante, quod causa commissa sit cum clausula Appellatione remota, ut idem Abb. l. cit. notat.

Præter hæc varijs modis adhuc limi. 31. tari vis clausulæ istius debet; nam 1. addita esse in causæ commissione debet à Principe supremo, qualis est solus Pontifex in Ecclesiasticis, Imperator, Rex, vel alias Magistratus Superiore non recognoscens in temporalibus; quia inferior non potest tollere jus Superioris Judicis, ad quem appellatur. Marant. de Ord. Jud. p. 6. tit. de appell. n. 337. 2. Tollit solam appellationem, non supplicationem, petitionem restitutionis in integrum, & alia remedia; in dō ipsam Appellationem solūm tollit à definitiva lata in causa principali, non autem ab interlocutoria, quæ interponitur ab incidentibus, & accessorijs. Pirk. n. 75. hic. 3. Eadem appellationem tollit soli litiganti; nam tertio intervenienti non obstat, quin pro suo interesse appellare valeat, ut statuit c. super eo 15. de offic. deleg. & merito; quia commissiones, præseruit ad lites, strictam interpretationem exigunt, & propterea ultra suos terminos ad causas, & personas non expressas extendi non debent. 4. Ipsi litigantibus solūm obstar quoad articulum, in quo per talen clausulam removetur appellatio, & quoad connexos cum illo. Quoad cæteros non connexos videri debet, quo loco clausula illa sit posita: nam si in fine Rescripti sit posita, extenditur ad omnia antecedentia; si vero in medio rescripti, ad antecedentia tantum referri debet, nisi in fine Rescripti eadem clausula repeatatur c. inquisitioni 71. b. tit. 5. Eadem clausula Appellationem parti litiganti tollit solūm quoad effectum suspensivum; nam quoad effectum devolutivum eandem non impedit: & hinc etsi Judge a quo deferre eidem non teneatur, admittere tamen illam Superior, ad quem appellatum est, potest de justitia Sententiæ prioris cognoscere, eamque rescindere, ut colligitur ex c. pastoralis 53. b. tit. & notat Abb. ibid. n. 13. Attentata tamen per Judgem à quo post hujusmodi Appellationem à Judge ad quem, licet per viam querela, non tamen nullitatis revocari poterunt, ut iterum advertit Abb. l. cit. n. 15. & ratio est, quia cum per talen Appellationem

nem

nem Jurisdictio Judicis à quo quoad causam Appellationis non suspendatur, per eum acta sunt valida.

32 Sic explicata responsione, facile respondetur ad Argumenta contraria. *Ad 1.* in textu *c. ut debitus cit.* non est sermo de Judge dato cum clausula, *ut Appellatione remota procedat*: conf. textus iste responsioni non obest. *Ad 2.* Fagnan. in *c. pastoralis cit. n. 37.* textum *c. edoceri* putat intelligendum de appellatione ex causa per Jus expressa: vel si amplius intelligendum velis, dic cum Abb. in *c. pastoralis n. 9.* illo textu eā clausulā impediti effectum suspensivum, concedi devolutivum, quod ipsum *n. prec.* concessum est. *Ad 3.* eā clausulā non tollitur condemnatio omnis defensio; potest enim ea non obstante, adire Superiorem per viam simplicis querelæ, supplicationis &c. imo & appellare, sed tantum appellationi tali negatur vis suspensiva.

33 Quæritur *4.* an, & qualiter appellare liceat à Sententia Judicis Jurejurando causam incidentis? & distinguendo inter Juramentum suppletorium, & decisoriū. *Si decisa sit ex Juramento suppletorio,* haud dubie datur locus Appellationi ex parte partis gravatæ arg. *l. generaliter 12. §. fin autem 2. §. ipse autem c. de reb. credit. & l. admonendi 31. ff. de Jurejur.* *Si* verò *decisa sit ex Juramento decisoriū litis,* discrimen faciendum est inter eum, qui detulit, & eum, cui delatum est. *Prior* appellare non potest, ut exp̄s̄ statuitur *§. five autem 3.* & tradit *ibidem Gloss. V. detulit.* Ratio ponitur *l. cit.* quia, ut *ibidem* ai Imperator, *nimirū crudele est*, parti, *que hoc detulit*, propter hoc ipsum, quod Judge ejus petitionem secutus est, superesse provocationem. *Posterior* appellare potest, & si probaverit causam justam, ob quam recusat præstare, ad quod ex tali sententia condemnatus est, sententia à Judge Appellationis emendabitur *S. fin cit.* Pirh. *bic n. 64.*

34 Dubium est, an si is, cui Juramentum defertur, Adversario suo illud referat, isque juret, & ejus Juramentum secutus Judge ipsum, qui retulit, condemnnet, hic appellare possit? Affirmat Imol. in *c. fin. de Jurejur. n. 4.* rationem dat; quia is, qui Juramentum detulit, sponte elegit hanc viā, ut Jurejurant-

do causa definiretur, adeoque appellare non potest: is verò, cui defertur hoc Juramentum, non sponte illud refert referenti, sed necessitate quadam compulsus, ne videlicet ipse jurare cogatur, vel solvere.

Sed contrarium non improbabiliter tenent Fachin. *l. 1. contr. c. 23.* Pirh. *bic n. 64.* König *n. 28.* quia etiam referens sponte eligit hanc viam, ut Juramento Adversarij causa decidatur, cùm liberum ipsi fuerit jurare, & sic testimonio, ac juramento suo causam decidere. Accedit, quod Juramentum hoc Judiciale speciem transactionis habeat, contra quam appellare, vel supplicare non licet *l. causas 16. c. de transact.*

Quæritur *5.* an etiam in minoribus causis admitti debeat Appellatio? Ratio dubitandi est, quia de minimis regulariter non curatur, nec eorum habenda est ratio *l. quis 9. §. fin. & l. seq. ff. de dol. mal.* Verum hæc Regula solum procedit in remedij extraordinarioris, non autem in ordinarijs; nam ordinaria Juris remedia etiam in rebus modicis conceduntur *l. quis 1. §. illud 10. ff. de conjung.* cùm emancip. liber. & *l. quamvis 13. ff. ut in posse legator.* *&c.*

Dicendum igitur, spectato Jure communio, etiam in causis minimis deferendum esse Appellacioni. Ita statuitur *c. de appellationibus 11. b. tit. & l. & in majoribus 20. C. eod.* Ratio est, quia Appellatio conceditur propter injustitiam, aut imperitiam Judge, ex qua aliquis gravatur *l. appellandi 1. ff. b. t.* atqui injustitia, & gravamen potest accidere etiam in modica causa, sicut in magna; modicum enim non differt à magno, quando illud non est fundatum super quantitate rei, sed super iniquitate, & injustitia gravaminis: & hinc etiam ob modicam rem ablata datum actio furti, quod in hoc non res furti ablati, sed furantis mens attendatur.

Dixi, spectato Jure communi; nam novissimo Jure per Recep̄s̄ Imperij de Anno 1645. *§. vierdtens 112.* cause minores tum demum Appellationem recipiunt, quando summa non est infra 400. Imperiales. Gaill. *l. 1. obs. 123.* Fleck. in *Biblioth. tit. 67. n. 33.* *& seqq.* P. Engl. *bic n. 33. P.*

Schmier. *Process. c. 17.*
n. 72.

S. IV.

De Judge, à quo, & ad quem appellatur, vel non appellatur.

S U M M A R I U M.

- 36.** Appellatur regulariter à Judge ferente sententiam.
- 37.** Excipitur Papa, vel alius superiorum non recognoscens.
- 38.** Concilium Generale, Collegium Cardinalium, & Curie supremæ Imperatoris, Regum &c.

- 39.** S. R. J. Electores, Archiduces Austriae &c.
- 40.** Episcopus, cuius Jurisdictio est prorogata.
- 41.** Arbitr̄ Compromissarius.
- 42.** Coram eodem etiam Judge, qui Sententiam tulit, est interponenda Appellatio.
- 43.** Quid si copia illius baberi nequeat?